

青瑣高議

图书在版编目 (CIP) 数据

青琐高议 / (宋) 刘斧编撰. —北京: 中国书店出版社, 2006. 12
ISBN 7-80568-091-4

I. 青... II. 刘... III. 笔记小说—中国—宋代
IV. I242.1

中国版本图书馆CIP数据核字 (2006) 第137981号

中國書店藏版古籍叢刊
青瑣高議

一函三冊

作者 北宋·劉斧

出版 中國書店

地址 北京市宣武區琉璃廠東街一一五號

郵編 一〇〇〇五〇

發行 全國新華書店經銷

印刷 北京大興古籍印刷廠

版次 二〇〇七年二月

書號 ISBN 7-80568-091-4/I·230

定價 三四〇元

青瑣高議後集目錄

卷之一

大姆記

因食龍肉
陷巢湖

續記

盜賊不敢
過巢湖

陷池

曹恩殺龍
獲天譴

議醫

論醫道
之難精

孫殿丞

孫生善醫
府君疾

杜郎中

杜郎中世
之良醫

本朝善卜

苗達善卜
賜束帶

胡僧異相

執中遇胡
僧說相

畫品

歐陽洵善
畫贈詩

議畫

論畫山石
竹木花卉

狄方

李主遣鬼
取名畫

卷之二

太祖皇帝不拜佛永

唐明皇出獵以官

王荆公士子對荆

李太白跨驢入淮

李侍讀善飲號作

范文正不學力士

直筆不以異夢

王荆公不以軍將

司馬溫公不顧夫人

張乖崖出嫁侍姬

湯陰縣未第時膽

張齊賢與羣盜飲

韓魏公不罪碎盡

張文定用金桶載

時邦美乃父生子

崔先生陰德報

卷之三

小蓮記迷郎中

神助記劉楊討賊

廣利王記廣利王助

岳靈記真宗東封

姚娘記陳公遣人

巨魚記殺死巨魚

異魚記龍女以珠

化猿記曹肖文殺

殺雞報馬吉殺雞

貓報記殺貓生子

程說夢入陰府

卷之四

李雲娘解普殺妓

羊童記家童見身

陳叔文叔文推蘭

卜起傳從弟害起

龔球傳龔球奪金

陳貴殺牛陳貴殺牛

俞元俞元殺免

卷之五

隋煬帝海山記上記煬帝宮中花木

隋煬帝海山記下記登極後事迹

卷之六

劉暉

默禱白氏乞聰明

范敏

夜行遇鬼李將軍

桑維翰

枉殺羗帖訴上帝

卷之七

溫琬

陳留清虛子作傳

張宿

胡賓枉殺張宿報

卷之八

甘棠遺事後序

子醇述甘棠詩曲

汾陽王郭子儀

牀下二鬼守盜馬

一門二相

呂賈一門二丞相

錢賢良

本朝錢氏應賢良

一門六內翰呂文靖父

一門樞相陳堯咨兄弟之盛

三元一家馮黃楊三家之盛

兩家二元黃庠范鎮作二元

卷之九

夢龍傳曹鈞夢池龍求救

仁鹿記楚元王不殺仁鹿

鰐魚新說韓公爲文祭鰐魚

朱蛇記李百善救蛇登第

卷之十

袁元仙翁出神救李生

養素先生詔上殿宣賜茶藥

藍先生論功行可至神仙

中明子劉昉屍解

施先生不教馬存

馬大夫記大忠

卜僧記義罵賊

張圭與馬

存問卜

青瑣高議後集卷之一

大姆記

因食龍肉
陷巢湖

究地理今巢湖古巢州也或改爲巢邑一日江水暴泛城幾沒水復故道城溝有巨魚長數十丈血鬚金鱗電目赭尾困卧淺水傾郡人觀焉後三日魚乃死郡人鬻其肉以歸貨於市人皆食之有漁者與姆同里巷以肉數斤遺姆姆不食懸之於門一日有老叟霜鬢雪鬚行步語言甚異詢姆曰人皆食魚之肉爾獨不食懸之何也姆曰我聞魚之數百斤者皆異物也今此魚萬斤我恐是龍焉固不可食叟曰此乃吾子之肉也不幸罹此大禍反膏人口腹痛淪骨髓吾誓不捨食吾子之肉者也爾獨不食吾將厚報爾吾又知爾善能拯救貧苦若東寺門石龜目赤此城當陷爾候之若然爾當急去無留也叟乃去姆日日往視有

稚子訝母問之姆以實告稚子欺人乃以朱傅龜目姆見急去出城俄有小青衣童子曰吾龍之幼子引姆升山回視全城陷於驚波巨浪魚龍交現大姆廟今存於湖邊迄今漁者不敢釣於湖簫鼓不敢作於船天氣晴明尙聞水下歌呼人物之聲秋高水落潦靜湖清則屋宇塔砌尙隱見焉居人則皆龍氏之族他不可居一何異哉

大姆續記

盜賊不敢過巢湖

治平年間有轄舟王潛濟湖潛方半醉調小管自娛時湖風清細調聞數里他舟皆至於岸惟潛舟泛泛湖中不能及焉潛懼捨管與舟人望廟拜禱謝過他舟亦爲之禱焉舟方抵岸不月妻死潛被罪流遠方諺曰過湖三升米不然五石粟意謂美人君子忠信仁義則神佑以清風一日可濟苟行有欺於人心或負於神則順風莫可得舟艤岸

數日亦不可知此五石粟之意也古人之言云子若作盜去無往巢湖住茲蓋神之明正不容盜賊踐其境也迄今雖鼠竊狗偷不敢游過湖焉

陷池

曹恩殺龍
獲天譴

郴州圖經去州二千里有陷池嚮有民家殺龍子一夕大風雷全家乃陷風俗記郴人曹恩家有男捕於水得魚三四尺烹之置魚於釜釜輒鏗然復沃地置釜釜又破恩弗爲異鱸而烹食之俄有怪雲若積墨起於嶺上雷聲隱隱隨之烈火發於屋恩馳走去屋乃陷比鄰之民見一吏擒恩回一吏讀案云曹恩性原殘狠心類狼虎破釜不疑顧神靈如土塊持刀自若戾極兇狠不可矜恕乃擲恩於陷池比鄰皆見焉陷池闊不踰一畝澄泓黑色其源無窮漁者常以千丈絲垂之不極其底迄今風晦尙聞人言語雞

犬鳴吠歲旱民驅牛入於池有頃雷雨大作俗呼爲洗池雨

議醫

論醫道之難精

夫醫之爲道尤難於他術從來久矣方其疾也雖金玉滿堂子弟骨肉環圍莫能爲計必得良醫以起之卽醫之爲功非小焉主執人之性命者也此所以良醫患少而庸醫患多也不意人疾爲庸醫所持反覆寒熱弗辨形脈是亟其疾使加焉則從而失者有之余嘗患其若是前集嘗言之矣意不爲諸君得也誠欲士君子治病得其人云耳

孫兆殿丞

孫生善醫府尹疾

治平年間有顯官權府尹事忘其名一日坐堂決事人吏環立尹耳忽聞風雨鼓角聲顧左右曰此何州郡也吏對以天府尹曰若然吾乃病耳遽召孫公往焉公診之乃留

藥治之翌日尹遂如故尹召問曰吾所服藥切類四味飲公曰是矣尹云始慮爲大患服此藥立愈其故何也公曰心脈大盛腎脈不能歸經耳以茲涼心則腎脈復歸經絡乃無恙公之醫高出於衆人尋常皆如是衆人難之公以爲易衆人易之公以爲難眞世之良醫也

杜任郎中

杜郎中世之良醫

余常聞里人王奉職云仁廟時仕於汝陽時有郡人孟生者溫厚惟一子方數歲得疾他醫數人治之無效召杜任治之數日而良已踰月而平復孟亦知醫詢公曰君以何藥主之公曰何藥也孟驚曰公所言皆劑之至溫者他人不取君獨用之而能起疾其義可聞乎公曰君富家也衆醫皆用犀珠金箔主之其性至涼涼則寒其胃由是多不喜食日益羸瘠元氣旣損則至於死矣吾之劑則先溫其

胃使其飲食如故然後攻其他疾是先壯其本而後攻其疾者焉固知杜君之善醫也如此今翰苑互相淬磨究明經書醫者甚衆如曹應之胡院諫皆良醫也

本朝善卜

苗達善卜
賜束帛

仁廟時後苑有水亭將壞方議修整帝以記年月日詔苗達而問焉達乃籌於帝前奏云若人則其人見病必恐不起如物則將壞之兆帝甚喜以束帛賜之以旌其術

胡僧善相

執中遇胡
僧說相

丞相陳公執中改官授端州刺史泝江而上至於洪吉之間阻風數日晚岸幽寂公徐徐閑步遇胡僧卷鼻目聳金環貫耳揖公公坐命之坐於岸僧謂公曰公虎目鳳鼻骨方氣清身當極貴公知其異前席詢之僧云氣欲伏不欲發骨欲細不欲露肉貴厚而瑩髮宜黑而光目欲相去遠

黑白分明眉欲秀而濃相對而起口紅潤而方鼻隆高而
貫面方而瑩澤耳厚而隱伏身肌重厚舉動詳審皆相之
美者也夫相美於外不若美於內美於外人所共有美於
內人所難全內外全美是爲大人公相甚奇但公虎目猿
身平地非能爲也當有攀附然後有所食公不日位極卿
相公曰如師言不敢相忘僧求紙爲詩贈公詩曰

虎目猿身形最貴

祇因攀附卽升高

知君今向端溪去

助子清風泛怒濤

僧乃指公曰請入舟中順風將至僧遂與公相揖而別乃
登舟張帆去公回顧僧猶岸上祝公曰保重公後顯用皆
仁廟拔擢至於相果如僧言一何異也

畫品

歐陽洵善
畫贈詩

歐陽洵與予有二紀之舊從遊固非一日也洵初甚好學

屢求薦於有司久而未售回顧親老族重囊無百金之直
乃拊髀歎曰大丈夫生當重裊卧列鼎食設使爲白首博
士有何足道哉吾且事父母畜妻子然後言昔日之志因
寫丹青尤工傳神落筆神奇想入心匠移之縑素迥奪天
眞旣得乎生平之容又全乎言笑之和一時妙手皆出其
下士君子推重焉名公多以詩贈之但載二篇楊著作傑
詩曰

國手曾煩寫幾回

無人彷彿醉顏開

青銅鏡裏尋常見

不謂君從筆下來

劉文毅又有詩曰

妙筆君今第一人

心欺造化奪天真

精明形骨從來一

移入青縑作兩身

議畫

論畫山石
竹木花卉